

Яхши гапни одамлар орасида тарқатиш

05:00 / 06.03.2017 3811

Умму Кулсум бинти Уқба ибн Абу Муъайт розияллоҳу анҳодан ривоят қилинади:

**«У киши Расулуллоҳ соллаллоҳу алайҳи васалламнинг:
«Одамларнинг орасини ислоҳ қилувчи одам кazzоб (ёлғончи)
бўлмайди. У ё яхши гапни айтади, ё яхши гапни чақимчилик
қиласди», - дедилар».**

**«Ул зотнинг одамлар гапирадиган гаплар ичига ёлғон аралашишига
руҳсат берганларини ҳеч қачон эшитмаганман.
Фақат уч ҳолатдагина бунга руҳсат берганларини биламан:
одамларнинг орасини ислоҳ қилиш учун;
эр хотинини рози қилиши учун;
хотин эрини рози қилиши учун».**

Шарҳ: Айтайлик, икки тараф уришиб қолди. Иккови ҳам ўз гапида туриб олади, уларнинг ярашиб кетишига бир-биридан паст келгиси йўқлиги тўсқинлик қиласди. Ислоҳ қилаётган одам икковини яраштириш мақсадида уларнинг бирига бориб, бир яхши гапни айтиб, иккинчисига бориб, бошқа яхши гапни айтади.

«Сен хўп деявергин, у хўп деяпти (у «хўп» демаса ҳам), бир поғона тушавер, у тушди, сен ҳам тушмасанг бўлмайди», деб икки томонга фақат яхши гапларни айтади.

Ана шундай йўл билан икки томонни яраштириб қўйган одам яраштириш давомида орани ислоҳ қилиш учун баъзи гапларни ёлғон айтган бўлса, кечирилар экан. Чунки, у яхшилик қиляпти, мўмин-мусулмонларнинг орасини ислоҳ қиляпти.

Умму Кулсум розияллоҳу анҳо гапларининг давомида яна шундай деган эканлар:

«... Фақат уч ҳолатдагина бунга руҳсат берганларини биламан:
одамларнинг орасини ислоҳ қилиш учун;
эр хотинини рози қилиши учун;

хотин әрини рози қилиши учун».

Мана шу ҳолатларда баъзан юқоридаги каби гапларни айтса бўлади. Мана шунга Расулуллоҳ соллаллоҳу алайҳи васаллам рухсат берганлар.

Бундан бошқа пайтда бир калима ҳам ёлғон айтиш мумкин эмас. Бу нарса ҳаром ҳисобланади.